



Drugu godinu za redom Grad Mostara implementira Projekat „Obrazovanje za sve“ u partnerstvu sa Udruženjem mladih psihologa, Udruženjem Roma „Neretva“, JU Osnovnom školom Mustafa Ejubović Šejh Jujo i JU Osnovnom školom Bijelo Polje. Projekat je podržan je od strane Roma Education Fund-a, u iznosu od 53.454,00 Eura, a implementira se u periodu od 01.09.2016. do 31.07.2017. godine.

Glavni cilj projekta je pružanje jednakih društvenih, obrazovnih i kulturnih prilika za svu romsku djecu kroz uključivanje u zakonom obavezno osnovno obrazovanje, održavanje i poboljšanje pohađanja nastave i povećavanje uključenosti roditelja Roma u odgojno obrazovni proces njihove djece. Projekat obuhvata djecu koja su upisana u osnovnu školu, djecu koja su izvan školskog sistema i djecu koji su odustala od školovanja. U svrhu ostvarivanja navedenog cilja organizovane su sljedeće aktivnosti:

- Opremljena su i u funkciji dva Produžena boravka za učenike razredne nastave, za ciljnu grupu, u dvije projektne osnovne škole, u JU Osnovnoj školi Mustafa Ejubović Šejh Jujo i JU Osnovnoj školi Bijelo Polje, gdje djeca u poticajnom okruženju imaju podršku u učenju i razvoju;
- Osigurava se dopunska nastava za poboljšanje školskog uspjeha kao i radionice za razvoj socio-emocionalnih kompetencija;
- Kontinuirano su osigurani školski udžbenici i pribor kao i prevoz za korisnike Produženog boravka tokom trajanja projekta;
- Sva djeca uključena u projekat imaju obezbijeđen doručak i/ili ručak;
- Organizuju se informativni i edukativni sastanci, treninzi i radionice za romske i neromske roditelje, što utiče na veću uključenost djece u redovno obrazovanje i bolju saradnju između roditelja i projektne škole;
- Nastavnici uključeni u rad sa ciljnom skupinom u sklopu projekta su educirani na treningu na temu "Kompetencije potrebne za različitosti i socijalnu inkluziju“.

Evaluacijom projektne rezultata pokazalo se da implementacija navedenih aktivnosti ima značajan uticaj kako na školski uspjeh korisnika projekta, tako i na motivaciju za učešćem u nastavnom procesu. Korisnici ovog projekta redovno pohađaju osnovnu školu, imaju bolji uspjeh u učenju, uključeni su u nastavne aktivnosti i učestvuju u društvenom

životu škole, a ostvarena je i saradnja sa roditeljima i povećano je njihovo učešće u obrazovanju njihove djece.